

**ՊԱՅՄԱՆԱԳԻՐ**  
**ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ № 222-ՄԱԾՁԲ-22/73-Պ**

ՀՀ ք. Երևան

04 նոյեմբերի 2022թ.

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Գովազդատու)՝ ի դեմս գործադիր տնօրեն Հովհաննես Մովսիսյանի, ով գործում է Ընկերության Կանոնադրության հիման վրա՝ մի կողմից, և «ԲԻ ԲԻ ԳՐՈՒՊ» սահմանափակ պատասխանատվությամբ ընկերությունը (այսուհետ՝ Գովազդակիր)՝ ի դեմս գլխավոր տնօրեն Տաթևիկ Խաչատրյանի, ով գործում է Ընկերության կանոնադրության հիման վրա՝ մյուս կողմից, հետագա շարադրանքում միասին անվանվելով Կողմեր, կնքեցին սույն պայմանագիրը (այսուհետ՝ Պայմանագիր) հետևյալի մասին.

**1. Պայմանագրում գործածվող հիմնական հասկացությունները.**

**Տեսահոլովակ** Գովազդատուի կողմից մատուցվող ծառայությունների/ապրանքների վերաբերյալ տեղեկատվական բնույթի նյութ.

**Գովազդատու** Տեղադրման և հեռարձակման նպատակով տեսահոլովակը ներկայացնողը:

**Գովազդակիր** Գովազդատուի կողմից ներկայացված տեսահոլովակը տեղադրող ու հեռարձակումն իրականացնող:

**Եթերային օր** Յուրաքանչյուր օր, առավոտյան ժամը 07:30-ից մինչև 23:00:

**Հանձնման-ընդունման ակտ** Տեսահոլովակի տեղադրման և հեռարձակման, փաստացի տեղաբաշխման և տարածման տևողության վերաբերյալ Գովազդատուի և Գովազդակրի կողմից հաստատված ակտը:

**2. ՊԱՅՄԱՆԱԳՐԻ ԱՌԱՐԿԱՆ**

- 2.1 Սույն պայմանագրով Գովազդակիրը պարտավորվում է Գովազդատուի կողմից տրամադրած Տեսահոլովակը տեղադրել և հեռարձակել Պայմանագրով նախատեսված կարգով և ժամկետներում (այսուհետ՝ Ծառայություններ): Գովազդատուն պարտավորվում է ընդունել մատուցված Ծառայությունները և Գովազդակրին վճարել Պայմանագրով սահմանված կարգով և ժամկետներում:
- 2.2 Ծառայությունները համարվում են ընդունված հանձնման-ընդունման ակտը և հաշիվ վավերագիրը երկկողմանի ստորագրելու պահից:

**3. ՏԵՄԱՀՈՒՈՎԱԿԻ ՏԵՂԱԴՐՄԱՆ ԵՎ ՀԵՌԱՐՁԱԿՄԱՆ ՊԱՅՄԱՆՆԵՐԸ**

- 3.1. Տեսահոլովակը պետք է տեղադրվի և հեռարձակվի Երևան քաղաքում տեղակայված հետևյալ լուսադիտողային էկրաններով (այսուհետ նաև՝ էկրան).
- Արուսյան-Թումանյան փողոցների խաչմերուկ (1 հատ էկրան),
  - Արուսյան-Հյուսիսային պողոտա խաչմերուկ (1 հատ էկրան),
  - Տեղյան-Պուշկին փողոցների խաչմերուկ (1 հատ էկրան),
  - Զաքյան-Ամիրջյան փողոցների խաչմերուկ (1 հատ էկրան),



*[Handwritten signature]*

*[Handwritten signature]*





- 5.5. Այն դեպքում, երբ մատուցված Ծառայություններում հայտնաբերվում են թերություններ, Գովազդատուն չի ստորագրում հանձնման-ընդունման ակտը և սույն Պայմանագրի 5.4. կետում նշված ժամկետում Կատարողին գրավոր ներկայացնում է հանձնման-ընդունման ակտը չհաստատելու հիմնավորում՝ նշելով մատուցված Ծառայություններում հայտնաբերված թերությունները և սահմանելով դրանց վերացման ողջամիտ ժամկետ կամ սույն Պայմանագրի 4.4.5. կետով սահմանված կարգով միակողմանի լուծում է Պայմանագիրը:
- 5.6. Հանձնման-ընդունման ակտը և հաշիվ-վավերագիրը Գովազդատուի կողմից ստանալու պահից 5 աշխատանքային օրվա ընթացքում վերջինիս կողմից չհաստատվելու և թերությունները հիմնավորող գրավոր առարկություններ չներկայացնելու դեպքում դրանք համարվում են հաստատված ներկայացման օրը:
- 5.7. Գովազդակրի կողմից մատուցված Ծառայությունների դիմաց վճարելու Գովազդատուի պարտավորությունը համարվում է կատարված դրամական միջոցները Գովազդատուի բանկային հաշվից ելքագրման պահին:
- 5.8. Կողմերից յուրաքանչյուրը կրում է իրեն սպասարկող բանկում առաջացած ծախսերը:

**6. ՀԱՍՏԱՏՈՒՄՆԵՐ ԵՎ ԵՐԱՇԽԱՎՈՐՈՒՄ**

- 6.1. Պայմանագրի յուրաքանչյուր Կողմ սույնով հայտարարում, հաստատում և երաշխավորում է, որ՝ ստացել է Հայաստանի Հանրապետության օրենսդրության և իր հիմնադիր փաստաթղթերի պահանջներին համապատասխան Պայմանագրի կնքման համար անհրաժեշտ բոլոր թույլտվությունները և հավանությունները, ինչպես նաև պահպանել է ներքին կորպորատիվ ընթացակարգերը:
- 6.2. Գովազդատուն անվերապահորեն երաշխավորում է, որ իր կողմից տրամադրված Տեսահոլովակի բովանդակությունը չի պարունակում ՀՀ իրավական ակտերով արգելված գովազդ, չի խախտում երրորդ անձանց իրավունքներն՝ այդ թվում հեղինակային:
- 6.3. Գովազդատուն անվերապահորեն ընդունում է, որ Գովազդակիրը որևէ պատասխանատվություն չի կրում Տեսահոլովակի բովանդակության համար: Տեսահոլովակի ՀՀ իրավական ակտերով սահմանված պահանջներին չհամապատասխանելու, երրորդ անձանց իրավունքները խախտելու արդյունքում Գովազդակրի համար առաջացած բացասական հետևանքների, նյութական վնասների, ծախսերի, այդ թվում՝ դատական ծախսերի, վնասների, վարչական տուգանքների, համար նյութական պատասխանատվություն է կրում Գովազդատուն և պարտավորվում է փոխհատուցել դրանք ամբողջ ծավալով:

**7. ԾԱՆՈՒՑՈՒՄՆԵՐ**

- 7.1. Պայմանագրին համապատասխան ուղղվող ցանկացած ծանուցում պետք է կազմված լինի գրավոր ձևով և ստորագրված՝ ուղղող Կողմի անունից գործելու համար լիազորված անձի կողմից: Այդպիսի ծանուցումը կարող է հանձնվել առձեռն, ուղարկվել փոստով կամ փոխանցվել ֆաքսիմիլային կամ էլեկտրոնային կապով՝ Պայմանագրի ստորագրության տողից առաջ նշված հասցեներով կամ համարներով:
- 7.2. Պայմանագրի կատարման ընթացքում Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում, նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:

**8. ՊԱՅՄԱՆԱԳՐԻ ԳՈՐԾՈՂՈՒԹՅՈՒՆ**

- 8.1. Պայմանագիրն ուժի մեջ է մտնում դրա կնքման (Կողմերի ստորագրման) պահից և գործում է մինչև Կողմերի ստանձնած պարտավորությունների կատարման ավարտը:
- 8.2. Ծառայությունների մատուցումը իրականացվում է սկսած 2022 թվականի նոյեմբերի 11-ից մինչև 2022 թվականի դեկտեմբերի 11-ը ներառյալ:

8.3. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:

## 9. ՖՈՐՄ-ՄԱՃՈՐ

9.1. Սույն պայմանագրով պարտավորություններն ամբողջությամբ կամ մասնակիորեն չկատարելու դեպքում Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է Պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են՝ երկրաշարժը, ջրհեղեղը, պատերազմը, ռազմական կամ արտակարգ դրություն հայտարարելը, համաճարակը և այլն:

9.2. Եթե անհաղթահարելի ուժի ազդեցությունը շարունակվում է 10 /տաս/ օրից ավելի, ապա կողմերից յուրաքանչյուրն իրավունք ունի լուծել Պայմանագիրը՝ այդ մասին տեղյակ պահելով մյուս կողմին:

## 10. ՎԵՃԵՐԻ ԼՈՒԾՄԱՆ ԿԱՐԳԸ

10.1. Պայմանագրի կապակցությամբ ծագած վեճերը լուծվում են բանակցությունների միջոցով:

10.2. Համաձայնություն ձեռք չբերելու դեպքում վեճերի լուծումը կատարվում է ՀՀ օրենսդրությամբ սահմանված կարգի համաձայն:

## 11. ՊԱՅՄԱՆԱԳՐԻ ՓՈՓՈԽՈՒՄԸ, ԼՈՒԾՈՒՄԸ ԵՎ ԴԱԴԱՐՈՒՄԸ

11.1. Պայմանագիրը կարող է փոփոխվել և լրացվել միայն կողմերի փոխադարձ համաձայնությամբ՝ բացառությամբ ՀՀ օրենսդրությամբ նախատեսված դեպքերի: Պայմանագրի փոփոխությունները և լրացումները կատարվում են լրացուցիչ գրավոր կազմված համաձայնագրերով, որոնք կհանդիսանան Պայմանագրի անբաժանելի մասը:

11.2. Մինչև սույն պայմանագրի 8.2. կետով սահմանված՝ ծառայությունների մատուցման ժամկետի լրանալը, սույն պայմանագիրը կարող է լուծվել Կողմերի փոխադարձ համաձայնությամբ, ինչպես նաև ՀՀ օրենսդրությամբ նախատեսված այլ դեպքերում:

11.3. Գովազդատուն իրավունք ունի իր հայեցողությամբ ցանկացած ժամանակ միակողմանի արտադատական կարգով լուծել սույն Պայմանագիրը՝ այդ մասին 7 (յոթ) օր առաջ գրավոր տեղեկացնելով Գովազդակրին: Պայմանագրի լուծումը չի ազատում Կողմերին լուծման պահի դրությամբ միմյանց հանդեպ ունեցած պարտավորությունների կատարումից:

11.4. Հաշվի առնելով այն հանգամանքը, որ «Մանկական Եվրատեսիլ 2022» երգի միջազգային մրցույթի անցկացման կապակցությամբ կարող են սահմանվել լրացուցիչ պարտավորություններ մրցույթի անցկացման հետ կապված՝ Գովազդակիրը պարտավորվում է առանց լրացուցիչ համաձայնություն ստանալուց առաջ փոփոխությունները ստանձնել այն նույն ծավալով, որ ծավալով կսահմանվեն Գովազդատուի համար, պայմանով, որ դրանք լինեն ողջամիտ, չառաջացնեն լրացուցիչ ֆինանսական ծախսեր Գովազդակրի համար և վերաբերեն սույն Պայմանագրով Գովազդակրի ստանձնած պարտավորություններին: Լրացուցիչ պարտավորությունների մասին Գովազդատուն պարտավորվում է Կատարողին ծանուցել անհապաղ, որոնք ուժի մեջ են մտնում Գովազդակրի համար դրանց մասին ծանուցվելու պահից, եթե այլ բան չի բխում տվյալ ծանուցումներից:

## 12. ՊԱՅՄԱՆԱԳՐԻ ԿԱՌՈՒՑՎԱԾՔԸ

12.1. Պայմանագիրը բաղկացած է հիմնական մասից, որի տեքստը բաժանված է համարակալված հոդվածների և կետերի: Պայմանագրի նշված բոլոր կառուցվածքային տարրերը միասին կազմում են մեկ ամբողջություն՝ Պայմանագրի մեկնաբանման և կատարման բոլոր նպատակների համար:

12.2. Սույն Պայմանագիրը կազմված է հայերենով, հավասար իրավաբանական ուժ ունեցող երկու օրինակներից՝ մեկական օրինակ յուրաքանչյուր Կողմի համար: Սույն Պայմանագիրը կարող է կնքվել

ստորագրությունների մեխանիկական և պատճենահանման այլ միջոցներով ֆաքսիմիլ վերարտադրությունների կամ էլեկտրոնային թվային ստորագրություն դնելու միջոցով: Պայմանագրի ֆաքսիմիլային ստորագրությամբ ստորագրված օրինակը ևս համարվում է բնօրինակ և ունի նույն իրավաբանական ուժը՝ ինչ ձեռքով ստորագրված օրինակը:

**13. ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ**  
**Գովազդատու**

**«Հայաստանի հանրային հեռուստաընկերություն»  
ՓԲԸ**

**Գովազդակիր**  
**«ԲԻ ԲԻ Գրուպ» ՍՊԸ**

Հասցե՝ ՀՀ, ք. Երևան, Գ. Հովսեփյան 26  
ՀՎՀՀ՝ 01540062  
Բանկ՝ «Ինտերբանկ» ՓԲԸ  
Հ/Հ՝ 2050022082671001

Հասցե՝ ՀՀ, ք. Երևան, Թ. Ավդալբեկյան 4  
ՀՎՀՀ՝ 01243626  
Բանկ՝ «Արդշինբանկ» ՓԲԸ  
Հ/Հ՝ 2479023401960000

Գործադիր տնօրեն՝

Հ. Սովսիսյան

Գլխավոր տնօրեն՝

S. Թադատրյան

Ստորագրություն Կ.Տ

Ստորագրություն Կ.Տ

